



CONCELLO DE FRIOL (LUGO)

No Salón de Actos da Casa do Concello, ás trece horas e trinta minutos do vinte de xuño de dous mil dezanove, reuníronse en sesión ordinaria (á que foron previamente convocados) baixo a presidencia do Sr. Alcalde Don José Ángel Santos Sánchez, os concelleiros Don Mauro Faustino Mourín González, Dona María de los Ángeles Buján Burgo, Don Jesús Julio Cortiña López, Dona Nuria Vázquez Argerey, Don Juan Carlos Casal Pena, Don Enrique Barreiro Sánchez, Dona María Ángeles Pilar López López, Don Juan Ramón Varela López e Dona Nerea Campo Fariñas.

Non asiste a concelleira Dona María Ángeles Martínez Martínez, que disculpou a súa ausencia por enfermidade, segundo fai constar o Sr. Alcalde.

Asiste como Secretario o da Corporación, Don Julio González Casanova.

Seguidamente pasouse a tratar os asuntos incluídos na orde do día da sesión.

1.- APROBACIÓN, SE PROCEDE, DO BORRADOR DA ACTA DA SESIÓN ANTERIOR.- Dáse conta ao Pleno do borrador da acta da sesión constitutiva da Corporación, celebrada o día quince de xuño do actual, repartido coa convocatoria. Polo Sr. Alcalde pregúntase aos señores concelleiros se están de acordo coa redacción da acta, ou queren facer algunha alegación ao respecto.

Á vista de que polos señores concelleiros non se desexa formular ningunha cuestión ao respecto, o Pleno do Concello, en votación ordinaria e por unanimidade dos asistentes (dez votos a favor) **ACORDA** prestar aprobación ao borrador da acta da sesión constitutiva celebrada o día quince de xuño do actual, proclamando o Sr. Alcalde o acordo adoptado.

2.- CONSTITUCIÓN DE GRUPOS POLÍTICOS.- Polo Sr. Alcalde dáse conta ao Pleno dos escritos presentados ao respecto no Rexistro do Concello, que a continuación se relacionan:

- Escrito asinado polos concelleiros do Partido Popular, que tomaron posesión dos seus cargos e manifestan o seu desexo de constituírense como Grupo Político del Partido Popular, designando portavoz a Don José Ángel Santos Sanchez, e primer suplente María de los Ángeles Burgo Buján, segundo suplente Don Enrique Barreiro Sánchez e terceiro suplente Don Jesús Julio Cortiña López.
- Escrito asinado pola concelleira do Partido dos Socialistas de Galicia-PSOE, Dona María de los Ángeles Martínez Martínez. No mesmo dise que se integrarán, en todo caso, no grupo mixto os membros dos partidos políticos,



CONCELLO DE FRIOL (LUGO)

federacións, coalicións ou agrupacións que non obtivesen un mínimo de dous escaños. No suposto de que non existise grupo mixto, este quedará constituído polo membro do partido político, federación, coalición ou agrupación que obtivese un so escano.

Conclúe dicindo que de conformidade co establecido na Lei de Administración Local de Galicia, integrarase no Grupo Mixto, da que sendo a única compoñente, tamén será a súa portavoz.

No que se refire á normativa ao respecto, no art. 23 do Regulamento de Organización, Funcionamento e Réxime Xurídico das Entidades Locais dise que os membros das corporacións locais, a efectos da súa actuación corporativa, constituiranse en grupos. No art. 24, dise que os grupos políticos constituiranse mediante escrito dirixido ao Presidente e subscrito por tódolos seus integrantes, que se presentará na Secretaría Xeral da Corporación dentro dos cinco días hábiles seguintes á súa constitución. No escrito farase constar a designación de portavoz de grupo, podendo designarse tamén suplentes. No art. 25 dise que da constitución dos grupos políticos e dos seus integrantes e portavoces, o Presidente dará conta ao Pleno na primeira sesión que se celebre, tras cumprirse o prazo previsto no número 1 do artigo anterior.

A Lei 5/1997, de 22 de xullo, de administración local de Galicia, refírese aos grupos políticos nos art. 74 e seguintes. No art. 74 dise que os concelleiros, para os efectos da súa actuación corporativa, constituiranse en grupos, que se corresponderán cos partidos políticos, federacións, coalicións ou agrupacións que obtivesen postos na corporación. Cada partido político, federación, coalición ou agrupación constituirá un único grupo. Ninguén poderá pertencer simultaneamente a mais dun grupo. No art. 75.4 di que se integrarán, en todo caso, no grupo mixto os membros dos partidos políticos, federacións, coalicións ou agrupacións que non obtivesen un mínimo de dous escaños. No suposto de que non existise grupo mixto, este quedará constituído polo membro do partido político, federación, coalición ou agrupación que obtivese un so escano.

No art. 75 dise que os grupos políticos constituiranse mediante escrito dirixido ao presidente e subscrito por tódolos seus integrantes, que se presentará na Secretaría da Corporación, dentro dos cinco días hábiles seguintes á constitución da corporación. No mesmo escrito de constitución farase constar a designación do voceiro, podendo designarse tamén suplentes. No párrafo 3 dise que da constitución dos grupos políticos e dos seus integrantes e voceiros, o presidente daralle conta ao Pleno na primeira sesión que se desenvolva tras cumprirse o prazo previsto anteriormente.

No art. 77 di que lle corresponde aos grupos políticos designar, mediante escrito do seu voceiro dirixido ao presidente, aqueles dos seus compoñentes que vaian



CONCELLO DE FRIOL (LUGO)

representalos en tódolos órganos colexiados integrados por corporativos pertencentes aos diversos grupos.

Do que se da conta ao Pleno do Concello, para o seu coñecemento e aos efectos oportunos.

3.- RÉXIME DE SESIÓNS DO PLENO.- Polo Sr. Alcalde, propónse ao Pleno, co obxecto de dar cumprimento ao disposto no art. 38 do Regulamento de Organización, Funcionamento e Réxime Xurídico das Entidades Locais e no art. 46.2.a) da Lei 7/85, de 2 de abril, reguladora das bases de réxime local, a adopción do acordo no senso de que as sesións ordinarias do Pleno do Concello, se celebren o último xoves de cada trimestre, ás trece horas e trinta minutos, tendo lugar a primeira sesión ordinaria o 27 de xuño de 2019. No caso de que algunha das datas resultase coincidir en día festivo, a sesión celebraríase o día hábil inmediato anterior. Cando concurran razóns xustificadas, poderíase trasladar a data distinta dentro do mesmo mes, previa consulta cos voceiros dos grupos políticos con representación na corporación.

Todo elo, en prexuízo da celebración das sesións extraordinarias que fose preciso convocar e celebrar, segundo o disposto na normativa de aplicación.

Á vista de que polos señores concelleiros non se plantexan cuestións ao respecto, o Pleno do Concello, en votación ordinaria e por unanimidade dos asistentes (dez votos a favor) **ACORDA** prestar aprobación á proposta da Alcaldía anteriormente transcrita sobre o réxime de sesións do Pleno, proclamando seguidamente o Sr. Alcalde o acordo adoptado.

4.- CREACIÓN E COMPOSICIÓN DAS COMISIÓNS INFORMATIVAS PERMANENTES.- Pola Alcaldía elévase ao Pleno proposta de creación da **COMISIÓN ESPECIAL DE CONTAS.** A comisión, de existencia preceptiva, deberá estar integrada de xeito que a súa composición se acomode á proporcionalidade existente entre os grupos políticos representados na corporación. Débese estar ao cumprimento do disposto na vixente lexislación, correspondendo ao Pleno a determinación do seu número, así como a variación das mesmas durante o mandato corporativo. Aínda que non é posible acadar unha proporcionalidade exacta matematicamente, aparte do Alcalde que ostenta a Presidencia da Comisión, sempre lle correspondería ao Grupo Popular un número de membros superior ao Grupo Mixto. Propónse ao Pleno a adopción do acordo no senso de que a comisión informativa estará formada polo Alcalde-Presidente e por tres concelleiros máis, dous do Grupo Popular e a concelleira Dona María Ángeles Martínez Martínez.

Polo Sr. Alcalde propónse que polo Grupo Popular, ademais do Alcalde, formen parte da comisión os concelleiros Don Mauro Faustino Mourín González e Dona



CONCELLO DE FRIOL (LUGO)

María Ángeles Pilar López López e como suplentes Don Enrique Barreiro Sánchez e Dona Nerea Campo Fariñas.

Á vista do disposto nos art. 123, 124 e 125 do Regulamento de Organización, Funcionamento e Réxime Xurídico das Entidades Locais, de que polos señores concelleiros non se desexa facer intervencións ao respecto, o Pleno, en votación ordinaria e por unanimidade dos asistentes (dez votos a favor) **ACORDA** prestar aprobación á proposta, relativa á creación e composición da Comisión Especial de Contas, proclamando seguidamente o Sr. Alcalde o acordo adoptado.

5.- PROPOSTA DA CREACIÓN DA XUNTA DE GOBERNO LOCAL.- Polo Sr. Alcalde, de conformidade co disposto no art. 20 da Lei 7/85 de 2 de abril, reguladora das bases de réxime local e do art. 35 do Regulamento de Organización, Funcionamento e Réxime Xurídico das Corporacións Locais, propónse ao Pleno, por motivos de eficacia, axilidade e operatividade da vida municipal, a creación da Xunta de Goberno Local, dentro do organigrama municipal. Aos devanditos efectos, a Xunta de Goberno celebrará sesión ordinaria con periodicidade semanal, tódolos luns, ás trece horas, tendo lugar a sesión constitutiva o 24 de xuño de 2019. Se algún dos días coincidise en festivo, a sesión celebrárase o venres anterior.

Á vista de que polos señores concelleiros non se desexa facer intervencións ao respecto, o Pleno, en votación ordinaria e por unanimidade dos asistentes (dez votos a favor) **ACORDA** prestar aprobación á proposta anteriormente transcrita sobre a Xunta de Goberno Local, proclamando seguidamente o Sr. Alcalde o acordo adoptado.

6.- DELEGACIÓN DO PLENO NA XUNTA DE GOBERNO LOCAL.- Polo Sr. Alcalde, de conformidade co disposto no art. 22.4 da Lei 7/1985, de 2 de abril, de Bases de Réxime Local, no que se establecen as competencias do Pleno que poden ser delegadas na Xunta de Goberno Local, e por razóns de eficacia e operatividade, propónse ao Pleno a adopción do seguinte **ACORDO**:

1.- Delegar na Xunta de Goberno Local as seguintes atribucións:

- O exercicio de accións xudiciais e administrativas e a defensa da Corporación en materias de competencia plenaria
- A declaración de lesividade dos actos do Concello.
- A concertación de operacións de crédito cuia coantía acumulada, dentro de cada exercicio económico exceda do 10% dos recursos ordinarios do presupostos, salvo as de tesourería cando o seu importe acumulado das operacións vivas desta natureza, incluída a nova operación, supere o 15 % dos recursos correntes liquidados no exercicio anterior, todo elo de conformidade co disposto na Lei reguladora das facendas locais.



CONCELLO DE FRIOL (LUGO)

- As competencias como órgano de contratación respecto dos contratos de obras, subministros, servizos, xestión de servizos públicos, contratos administrativos especiais e os contratos privados, así como adxudicación de concesións sobre os bens da corporación e a adquisición de bens inmobles e dereitos suxeitos á lexislación do patrimonio, así como o alleamento do patrimonio, atribuídas ao Pleno do concello na disposición adicional segunda da Lei 9/2017 de 8 de novembro, de contratos do sector público, cando non requira para a súa aprobación maioría absoluta.
- A aprobación dos proxectos de obras e servizos, cando sexa competente para a súa contratación ou concesión, e cando aínda non estén previstos no presuposto.
- A solicitude de calquera tipo de axudas e subvencións.
- Aquelas outras competencias que expresamente lle atribúan ao Pleno e non esixan unha maioría especial para a súa aprobación.

2.- O réxime xurídico aplicable á presente delegación será o previsto con carácter xeral na Lei 40/2015, de 1 de outubro, e os art. 114 a 118 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais.

3.- O presente acordo producirá efectos dende o día seguinte ao da súa adopción, sen prexuízo da súa publicación no B.O.P. de Lugo, conforme ao establecido no art.

En relación coa proposta, faise constar que a delegación de competencias refírese, tanto a dictar actos de trámite como actos resolutorios sobre o fondo do asunto e que afecten a terceiros. Os acordos adoptados pola Xunta de Goberno poñerán fin á vía administrativa. O exercicio das competencias delegadas farase de conformidade co establecido na lexislación de aplicación.

Á vista de que polos señores concelleiros non se desexa facer intervencións nin formular ningunha cuestión ao respecto, o Pleno do Concello, en votación ordinaria e por unanimidade dos asistentes (dez votos a favor) **ACORDA** prestar aprobación ás delegacións das competencias do Pleno, propostas pola Alcaldía na Xunta de Goberno Local, proclamando seguidamente o Sr. Alcalde o acordo adoptado.

7.- COÑECEMENTO DAS RESOLUCIÓNS DA ALCALDÍA EN MATERIA DE NOMEAMENTOS DOS TENIENTES DE ALCALDE, MEMBROS DA XUNTA DE GOBERNO E DAS DELEGACIÓNS CONCEDIDAS POLA ALCALDÍA.-

En cumprimento do preceptuado polo art. 38 do Regulamento de Organización, Funcionamento e Réxime Xurídico das Entidades Locais, de orde do Sr. Alcalde, polo Secretario dase conta ao Pleno das Resolucións da Alcaldía, que se transcriben a continuación:

"DON JOSÉ ÁNGEL SANTOS SÁNCHEZ, ALCALDE-PRESIDENTE DO CONCELLO DE FRIOL, PROVINCIA DE LUGO



CONCELLO DE FRIOL (LUGO)

De conformidade coas facultades e atribucións que me son conferidas polo art. 46 do Real Decreto Legislativo 2568/86, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais e polo art. 62 da Lei 5/97, de 22 de xullo, de administración local de Galicia

DECRETO:

- Nomear **TENIENTES DE ALCALDE** aos seguintes concelleiros:

Primeiro Teniente de Alcalde.- Don Mauro Faustino Mourín González.

Segundo Teniente de Alcalde.- Don Enrique Barreiro Sánchez.

Terceiro Teniente de Alcalde.- Don Jesús Julio Cortiña López.

- Aos Tenientes de Alcalde, en canto tales, corresponderalles substituír na totalidade das súas funcións e pola orde do seu nomeamento, ao Alcalde, nos casos de ausencia, enfermidade ou impedimento que lles imposibilite para o exercicio das súas atribucións, así como desempeñar as funcións de Alcalde nos supostos de vacante da Alcaldía ata que tome posesión o novo Alcalde.
- Da presente resolución darase coñecemento ao Pleno na primeira sesión que se celebre. Ademais notificárase persoalmente aos designados e publicárase no Boletín Oficial da Provincia, sen prexuízo da súa efectividade dende o día seguinte ao da presente resolución, conforme se indica na lexislación vixente.

O que manda e asina en Friol a 17 de xuño de 2019"

"DON JOSÉ ÁNGEL SANTOS SÁNCHEZ, ALCALDE-PRESIDENTE DO CONCELLO DE FRIOL, PROVINCIA DE LUGO

De conformidade coas facultades que me son conferidas nos art. 23 da Lei 7/82, de 2 de abril, Reguladora das Bases de Réxime Local, art. 65 da Lei 5/97, de 22 de xullo, de Administración Local de Galicia e polo art. 52 do Real Decreto 2568/86, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais

DECRETO:

- Que no caso de que polo Concello Pleno se acordase a creación da Xunta de Goberno deste Concello, que a mesma quede composta polas seguintes persoas:

Presidente.- O Alcalde Don José Ángel Santos Sánchez.

Membros: os Tenentes de Alcalde Don Mauro Faustino Mourín González, Don Enrique Barreiro Sánchez e Don Jesús Julio Cortiña López.

- Da presente resolución darase coñecemento ao Pleno do Concello na primeira sesión que se celebre, notificándose persoalmente aos designados e publicárase no Boletín Oficial da Provincia.

O que manda e asina en Friol a 17 de xuño de 2019"

"DON JOSÉ ÁNGEL SANTOS SÁNCHEZ, ALCALDE-PRESIDENTE DO CONCELLO DE FRIOL, PROVINCIA DE LUGO



CONCELLO DE FRIOL (LUGO)

De conformidade coas atribucións que me son conferidas polos arts. 43 do Regulamento de Organización, Funcionamento e Réxime Xurídico das Entidades Locais, aprobado polo Real Decreto 2568/86 de 28 de novembro, coa finalidade dunha maior eficacia na xestión.

DECRETO

- Que sen prexuízo das delegacións e atribucións que se confire á Xunta de Goberno, realízanse as delegacións que se detallan, nos concelleiros que a continuación se citan:
 - Dona María de los Ángeles Bujan Burgo: **DELEGADA DA ALCALDÍA, DE CULTURA, TURISMO**, que se encargará de dirixir, xestionar e promover tódolo referente a estes temas. A delegación inclúe a asignación do despacho e sinatura dos asuntos administrativos ordinarios.
 - Don Jesús Julio Cortiña López, **DELEGADO DE OBRAS, FEIRAS E MERCADOS**, que se encargará de dirixir, xestionar e impulsar todo o ámbito da delegación, en especial inspeccionar as obras e servizos, así como o referente ás feiras e mercados que se celebren no Concello e a xestión do Mercado Gandeiro. Ademais da delegación no referente a estes temas, o delegado terá a facultade de despacho e sinatura dos asuntos administrativos ordinarios.
 - Dona Nerea Campo Fariñas, **DELEGADA DE XUVENTUDE, FESTAS E ATENCIÓN CIUDADÁ**, que se encargará de dirixir, xestionar e promover tódolo referente a estes temas.
 - Don Juan Carlos Casal Pena: **DELEGADO DE URBANISMO, VIVENDA E PATRIMONIO**, sendo o seu cometido dirixir, xestionar e impulsar tódolo referente ao ámbito da delegación.
 - Dona Nuria Vázquez Argerey: **DELEGADA DE ECONOMÍA E FACENDA** encargándolle a dirección, xestión e impulso de tódolo referente a estes temas.
 - Dona M^a Ángeles Pilar López López: **DELEGADA DE EDUCACIÓN, INFANCIA E IGUALDADE**, que se encargará de dirixir, xestionar e promover Primeiro.
 - Don Juan Ramón Varela López: **DELEGADO DE MEDIO RURAL E DEPORTES**, sendo o seu cometido dirixir, xestionar e impulsar tódolo referente ao ámbito da delegación.
 - Don Enrique Barreiro Sánchez: **DELEGADO DE SERVIZOS RURAIS, TRABALLO E NOVAS TECNOLOXIAS**, que se encargará de dirixir, xestionar e impulsar todo o ámbito da delegación, en especial inspeccionar os servizos implantados no rural do municipio.
- Da presente resolución darase coñecemento ao Pleno na primeira sesión que se celebre. Ademais notificarase persoalmente aos interesados e publicarase no BOP, sen prexuízo da súa efectividade dende o día seguinte ao da presente resolución.

O que manda e asina en Friol a 17 de xuño de 2019".

"DON JOSÉ ÁNGEL SANTOS SÁNCHEZ, ALCALDE-PRESIDENTE DO CONCELLO DE FRIOL, PROVINCIA DE LUGO

De conformidade coas facultades que me son conferidas nos art. 23 da Lei 7/82 de 2 de abril, reguladora das bases de réxime local e polo art. 52 do Real Decreto 2568/86 de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais

DECRETO:

1.- Que no caso de que polo Concello Pleno se acordase a creación da Xunta de Goberno deste Concello, á mesma corresponderíalle as seguintes atribucións:

- a) A asistencia permanente ao Alcalde no exercicio das súas atribucións.
- b) As atribucións que lle delegue o Pleno do concello.
- c) As seguintes funcións delegadas pola Alcaldía:



CONCELLO DE FRIOL (LUGO)

- Aprobar os instrumentos de planeamento de desenvolvemento do planeamento xeral non expresamente atribuídos ao Pleno, así como os instrumentos de xestión urbanística e proxectos de urbanización.
 - Informar e outorgar todo tipo de licencias, agás as que leis sectoriais atribúan ao Pleno. Concretamente e de conformidade co disposto na Lei 9/2013 de emprendemento e competitividade económica de Galicia, delégase o outorgamento de licencias urbanísticas, así como as licencias de apertura e as suxeitas a avaliación de incidencia ambiental, ou autorización ambiental integrada. Delegáse tamén a toma de razón de declaración responsable ou comunicación previa nas licencias de obras e apertura de establecementos. Delégase tamén o outorgamento de licencias ou toma de razón de declaración responsable ou comunicación previa, en materia de espéctáculos e establecementos públicos, coa excepción da autorización de bailes e verbenas populares e similares. Delégase tamén as autorizacións para ocupación e uso especial dos bens de dominio público.
 - As correspondentes en canto órgano de contratación, respecto a contratos de obras, subministro e servizos, xestión de servizos públicos, contratos administrativos especiais e os contratos privados, en coantía superior a 9.000€ e dentro dos límites establecidos da competencia da Alcaldía, na disposición adicional segunda da Lei 9/2017 de 8 de novembro, de contratos do sector público, ou sexa, cando o seu importe non supere o 10% dos recursos ordinarios do presuposto, nin en calquera caso, a coantía de seis millóns de euros, incluídos os de carácter plurianual cando a súa duración non sexa superior a catro anos, sempre que o importe acumulado de todas as súas anualidades non supere nin a porcentaxe indicada, referido aos recursos ordinarios do presuposto do primeiro exercicio, nin a coantía sinalada. Delégase tamén a aprobación dos proxectos de obras ou servizos, cando sexa competente para a súa contratación.
 - A adxudicación de concesións sobre os bens das entidades locais e a adquisición de bens inmobles e dereitos, suxeitos á lexislación patrimonial, así como a enaxenación do patrimonio, dentro dos límites establecidos da competencia da Alcaldía, na disposición adicional segunda Lei 9/2017 de 8 de novembro, de contratos do sector público.
 - En materia de gastos, delégase a autorización e disposición de gastos, para pagos por importe superior aos 9.000€, así como a súa aprobación dos mesmos. Delégase tamén o recoñecemento e liquidación de obrigas nos supostos nos que a autorización dos gastos corresponda á Xunta de Goberno. Exceptúanse:
 - Haberes e retribucións do persoal do concello, así como os gastos derivados das cotizacións á Seguridade Social ou a Facenda Pública
 - Asistencias, gastos de locomoción de dietas dos cargos electos.
 - Os servizos de enerxía eléctrica, telefónica e similares, que se liquiden con arranxo a tarefas oficialmente aprobadas.
 - Os importes de intereses e amortización de préstamos.
 - En materia de ingresos, delégase a aprobación de padróns, matrículas e listas cobratorias de impostos municipais, taxas e prezos públicos, así como a aprobación da liquidación de ingresos derivados de licencias ou autorizacións delegadas na Xunta de Goberno Local.
- d) Tódalas competencias que a normativa estatal ou da Comunidade Autónoma asigne ao Concello e non se atribúan expresamente a outros órganos municipais.

2.- Da presente resolución darase coñecemento ao Pleno do Concello na primeira sesión que se celebre, notificándose persoalmente aos membros da Xunta de Goberno (designados por Resolución de 17 de xuño do actual) e publicarase no Boletín Oficial da Provincia.

O que manda e asina en Friol a dezasete de xuño de dous mil dezanove”.



CONCELLO DE FRIOL (LUGO)

Ao respecto das delegacións da Alcaldía na Xunta de Goberno, faise constar, que o Alcalde, en calquera momento, poderá avocar para si, con carácter individualizado, calquera asunto entre os comprendidos na esfera das competencias delegadas e resolver sobre o mesmo, de conformidade co establecido na vixente lexislación de réxime xurídico das administracións públicas. Ademáis, con independencia das competencias que se delegan, a Alcaldía poderá someter a consideración da Xunta de Goberno, como órgano de deliberación, asesoramento e apoio á Alcaldía calquera asunto da súa competencia que sexa delegable e sometelo a votación

Das delegacións conferidas dase conta ao Pleno, en cumprimento do disposto na vixente lexislación, aos efectos oportunos, sen perxuízo da súa publicación no Boletín Oficial da Provincia e da súa efectividade desde o día seguinte ao da data da sinatura das devanditas resolucións polo Sr. Alcalde.

8.- NOMEAMENTO DE REPRESENTANTES DA CORPORACIÓN EN ÓRGANOS COLEXIADOS.- Pola Alcaldía propónse ao Pleno do Concello os nomeamentos que a continuación se relacionan, como representantes da Corporación en órganos colexiados:

- Dona María Ángeles Pilar López López, como representante do Concello no Consello Escolar do Colexio Público "Doctor López Suarez".
- Don Juan Carlos Casal Pena, como representante do Concello na Asociación Terras do Miño.
- Dona Nerea Campo Fariñas, como representante do Concello na Asociación Terras de Lugo.

Seguidamente, á vista das propostas, sen que polos señores concelleiros se desexen facer intervencións ao respecto, procédese a efectuar a votación, en orde á elección de representantes do Concello nos órganos colexiados. O Pleno do Concello, en votación ordinaria e por unanimidade dos asistentes (dez votos a favor) **ACORDA:**

- Prestar aprobación ás propostas da Alcaldía, de representantes da Corporación en órganos colexiados.
- Dar traslado do nomeamento de representante a cada un dos órganos colexiados, do que deban formar parte.

Unha vez realizada a votación polo Sr. Alcalde, proclamouse o acordo adoptado.

A continuación, polo Sr. Alcalde ponse de manifesto que os tres puntos seguintes, referidos as cuestións de índole económica trátaranse conxuntamente, sen que polos señores concelleiros se formule ningunha observación ao respecto.

9.- ASIGNACIÓN DE DEDICACIÓNS A MEMBROS DA CORPORACIÓN.- Ao abeiro do establecido no art. 13 do Real Decreto 2568/86 de 28 de novembro (Regulamento de Organización, Funcionamento e Réxime Xurídico das Entidades Locais), os membros das Corporacións Locais terán dereito a percibir, con cargo ao



CONCELLO DE FRIOL (LUGO)

presuposto da entidade local, as retribucións e indemnizacións que correspondan. No art. 75 da Lei 7/85, de 2 de abril, Reguladora das Bases de Réxime Local, establece que os membros das corporacións locais percibirán retribucións polo exercicio dos seus cargos cando os desempeñen con dedicación exclusiva. No mesmo artigo refírese a que os membros das corporacións locais, que desempeñen os seus cargos con dedicación parcial, por realizar función de presidencia, vicepresidencia, ou ostentar delegacións ou desenvolver responsabilidades que así o requiran, percibirán retribucións polo tempo de dedicación efectiva ás mesmas. Nos acordos plenarios de determinación dos cargos que leven aparellada esta dedicación parcial e as retribucións dos mesmo, deberá conterse o réxime da dedicación mínima necesaria.

No Real Decreto Lei 24/2018, de 21 de decembro, polo que se aproban as medidas urxentes en materia de retribucións no ámbito do sector público, no art. 18 establécense os límites máximos actuais, en relación co réxime retributivo dos membros das corporacións locais.

Á vista do anteriormente exposto, propónse ao Pleno, establecer como cargos que levarán aparellada réxime de dedicación os seguintes para a presente lexislatura:

- A Alcaldía-Presidencia, que será desempeñada por Don José Ángel Santos Sánchez, en réxime de dedicación exclusiva, retribuirase cun importe bruto anual de 42.428€, distribuído en 12 pagas ordinarias e 2 extraordinarias nos meses de xuño e decembro. Quen ostente o cargo darase de alta no réxime xeral da Seguridade Social, asumindo o concello a cota empresarial que corresponda. O importe da dedicación actualizarase anualmente conforme ás previsións que nas Leis de Presupostos do Estado se determinen para o persoal da administración pública.
- A Delegada da Alcaldía, de Cultura, Turismo e Servizos Sociais, que será desempeñada pola concelleira María de los Ángeles Burgo Buján, en réxime de dedicación parcial, de 30 horas semanais, ás tarefas propias do cargo, que non obstante poderán variar segundo as necesidades do servizo, polo tanto cunha dedicación parcial ao 75%. Retribuirase cun importe bruto anual de 22.200€, distribuído en 12 pagas ordinarias e 2 extraordinarias nos meses de xuño e decembro. Quen obstante o cargo darase de alta no réxime xeral da Seguridade Social, asumindo o concello a cota empresarial que corresponda.

Segundo o disposto no art. 18.2 do Real Decreto 24/2018, aplicarase un incremento retributivo adicional vinculado á evolución do P.I.B., que de acordo para o art. 3.dos se aprobe para o persoal do sector público.



CONCELLO DE FRIOL (LUGO)

O importe das dedicacións actualizarase anualmente conforme ás previsións que nas Leis de Presupostos do Estado se determinen para o persoal da administración pública.

Todo elo, de conformidade co réxime de incompatibilidades previsto na Lei 53/84 de 26 de decembro, de incompatibilidades do persoal ao servizo das administracións públicas e demais normativa de aplicación.

10.- ASISTENCIAS E INDEMNIZACIÓNS AOS MEMBROS DA CORPORACIÓN.

- Ao abeiro do establecido no art. 75 da Lei 7/85, de 2 de abril, reguladora das bases de réxime local, soamente os membros da corporación que non teñan nin dedicación exclusiva nin parcial, percibirán asistencias pola concurrencia efectiva ás sesións dos órganos colexiados dos que formen parte, na coantía sinalada polo pleno da mesma. Ademáis, os membros das corporacións locais, percibirán indemnizacións polos gastos efectivos ocasionados no exercicio do seu cargo, segundo as normas de aplicación xeral nas administracións públicas e as que en desenvolvemento das mesmas, aprobe o Pleno Corporativo. As corporacións locais consignarán nos seus orzamentos as retribucións, indemnizacións e asistencias, debendo publicarse intergramente no Boletín Oficial da Provincia, e fixarse no taboleiro de anuncios da corporación os acordos plenarios ao respecto.

En relación coas indemnizacións dos membros da corporación, propónse ao Pleno a adopción do acordo de cantidades destinadas a asistencias e indemnizacións aos membros da corporación, de conformidade a continuación se transcribe:

1.- Por asistencias a sesións plenarias, os concelleiros que non teñan dedicación exclusiva nin parcial, recibirán por asistencia a sesión unha indemnización de 120,00€ por sesión.

2.- Por asistencia á Xunta de Goberno Local, a comisións e reunións de órganos colexiados dos que formen parte, os concelleiros que non teñan dedicación exclusiva nin parcial, percibirán unha indemnización de 80,00€ por cada asistencia.

3.- Comisión de servizos.- cumprindo en todo caso os criterios establecidos no art. 12 do Real Decreto 462/2002, de 24 de maio, sobre indemnizacións por razón do servizo.

- Dieta completa: 180,00€: sería aquela que requirira unha dedicación de xornada completa con pernocta fora do enderezo.
- Media dieta: 90,00€: sería aquela que requirira a saída fora da provincia ou unha dedicación de mais de media xornada.
- Dieta reducida: 45,00€: viaxes fora do concello, que requiriran unha dedicación non superior á media xornada.



4.- Kilometraxe: os gastos de locomoción que se produzan como consecuencia de desprazamentos por comisión de servizos ou xestións oficiais dispostos pola corporación, polo seu Presidente ou outros órganos competentes, serán aboados previa a presentación dos correspondentes xustificantes. No caso de utilización para o desprazamento de vehículo propio, farase efectiva a razón de 0,25€/km percorridos.

Polo Sr. Alcalde faise contar que a efectividade do acordo, será con efectos ao inicio da actual lexislatura, xa que de conformidade co disposto na vixente lexislación, poderá outorgarse eficacia retroactiva aos actos das administracións públicas, cando produzan efectos favorables ao interesado, sempre que os supostos de feitos existiran xa na data á que se retrotraiga a eficacia do acto e ésta non lesione dereitos ou intereses lexítimos doutras persoas.

11.- DOTACIÓNS ECONÓMICAS A GRUPOS POLÍTICOS.- No art. 73 da Lei 7/85, de 2 de abril, Reguladora das Bases de Réxime Local, dispónse que o Pleno da Corporación, con cargo aos presupostos anuais da mesma, poderá asignar aos grupos políticos unha dotación económica, que deberá contar cun compoñente fixo e outro variable, en función do número de membros de cada un deles, dentro dos límites que, no seu caso, establezan as Leis de Presupostos Xerais do Estado, sen que poidan destinarse ao pago de remuneracións de persoal de calquera tipo ao servizo da corporación, nin á adquisición de bens que poidan constituír activos fixos de carácter patrimonial

Á vista do disposto no artigo de referencia, propónse ao Pleno a adopción do acordo de **MANTER AS CANTIDADES APLICADAS Á DOTACIÓN ECONÓMICA A GRUPOS POLÍTICOS, APLICANDO AS MESMAS QUE SE VEÑEN APLICANDO NAS LEXISLATURAS 2007-2011/ 2011-2015/ e 2015/2019**, conforme a continuación se transcriben:

1.- A dotación ós Grupos Políticos, será en función das seguintes coantías:

- Unha cantidade fixa de 60€ mensuais por Grupo.
- Unha cantidade variable, en función do número de concelleiros, de 100€ mensuais por cada concelleiro.

2.- Os pagos aos Grupos faranse con carácter mensual, con efectos desde a constitución dos grupos políticos na actual lexislatura, xa que de conformidade co disposto na vixente lexislación, poderá outorgarse eficacia retroactiva aos actos das administracións públicas, cando produzan efectos favorables ao interesado, sempre que os supostos de feitos existiran xa na data á que se retrotraiga a eficacia do acto e ésta non lesione dereitos ou intereses lexítimos doutras persoas.



CONCELLO DE FRIOL (LUGO)

3.- O importe da dotación establecida non poderá destinarse ao pago de remuneracións de persoal de calquera tipo ao servizo da Corporación, ou a adquisición de bens que poidan constituir activos fixos de carácter patrimonial, xa que a súa finalidade e a atención aos gastos de funcionamento do grupo municipal e limitativa en canto a determinados usos, prohibidos pola Lei.

4.- Os grupos políticos municipais son entidades diferenciadas dos partidos políticos e deberán de dispor de C.I.F..

5.- Os Grupos deberán levar unha contabilidade específica da dotación establecida, que deberá respectar os principios xerais establecidos na lexislación vixente ao respecto, así como en materia de rendición de contas, que permitan en todo momento coñecer a súa situación financeira e patrimonial e o cumprimento das obrigas previstas na Lei. A mesma poñerase a disposición do Pleno do Concello, sempre que éste o solicite, así como á fiscalización do órgano interventor, debendo aportar a correspondente memoria, documentación contable e xustificantes, que permitan verificar que os fondos se aplican ás finalidades previstas na normativa. No caso de non ser xustificadas axeitadamente, deberán ser obxecto de reintegro á favor da entidade local.

6.- As aportacións aos grupos políticos das entidades locais, atopáanse suxeitas ao principio de publicidade activa e ao dereito de acceso á información dos cidadáns, de conformidade co disposto na lexislación vixente, sobre transparencia, acceso a información pública e bo goberno.

Á vista das propostas anteriormente transcritas, da Lexislación aplicable e das consideracións ao respecto, sen que polos señores concelleiros se desexen facer intervencións ao respecto, o Pleno do Concello, en votación ordinaria e por unanimidade dos asistentes (dez votos a favor) **ACORDA**

- Prestar aprobación ás propostas da Alcaldía anteriormente transcritas sobre as asignacións de dedicacións a membros da corporación, asistencia e indemnizacións aos membros da corporación e dotacións aos grupos políticos, proclamando seguidamente o Sr. Alcalde os acordos adoptados.
- Todo elo sen prexuízo de que á vista dos acordos adoptados, se proceda ás adaptacións dos créditos presupostarios, procedendo se para elo fose necesario a tramitación das modificacións de crédito oportunas, en relación co orzamento aprobado para o presente exercicio.

Á vista de que non hai mas asuntos que tratar na orde do día, polo Sr. Alcalde levántase a sesión, sendo ás trece horas e coarenta e cinco minutos da data ao principio indicada, de tódolo que eu, Secretario, redacto acta e dou fe.